

Na osnovu člana 54. stav (2) Zakona o sportu ("Službene novine Kantona Sarajevo", broj 45/12 - Prečišćen tekst), čl. 4., 5. tačka c), 8. stav (1) i 12., Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo ("Službene novine Kantona Sarajevo", br. 33/11, 3/12 - ispravke, 37/13, 16/14 i 6/17) i Pravilnika o kriterijima za podršku finansiranju javnog interesa u sportu Kantona Sarajeva ("Službene novine Kantona Sarajevo", broj 9/19), Ministar kulture i sporta Kantona Sarajevo donosi

**PRAVILNIK
O KRITERIJIMA ZA SUFINANSIRANJE TROŠKOVA
TRENINGA ZA SENIORSKE EKIPE
PREMIJERLIGAŠKIH KLUBOVA KANTONA
SARAJEVO U EKIPNIM SPORTOVIMA**

Član 1.

(Predmet pravilnika)

Ovim pravilnikom uređuju se uslovi i kriteriji za podršku sufinansiranju troškova treninga za seniorske ekipe premijerligaških klubova Kantona Sarajevo u ekipnim sportovima.

Član 2.

(Ekipni sportovi)

Ekipni sportovi su definisani članom 3. Pravilnika o kriterijima za podršku finansiranju javnog interesa u sportu Kantona Sarajeva ("Službene novine Kantona Sarajevo", broj 9/19).

Član 3.

(Rang takmičenja)

- (1) U skladu sa članom 6.5.B.2. Razvijenost sporta-organizovanost sistema takmičenja - Rang takmičenja Pravilnika o kriterijima za podršku finansiranju javnog interesa u sportu Kantona Sarajeva ("Službene novine Kantona Sarajevo", broj 9/19) sportske organizacije (klubovi) kojima se osiguravaju sredstva za sufinansiranje troškova treninga se takmiče u seniorskoj konkurenciji na nivou:
 - V. Nacionalna liga najvišeg ranga (Super liga, Premijer liga, "A" liga...)
- (2) U ekipnim sportovima gdje nema "Super lige", "Premijer" lige i "A-lige", kao najviši rang se priznaju I-e lige Bosne i Hercegovine.

Član 4.

(Pravo na sufinansiranje)

Pravo na sufinansiranje troškova treninga imaju sportska udruženja (klubovi) čije je sjedište na području Kantona Sarajevo, uz uslov da su dostavili potrebnu dokumentaciju na

Javni poziv za predlaganje projekata sporta radi sufinansiranja iz sredstava Ministarstva kulture i sporta, definisanu članovima 8. i 9. Pravilnika o kriterijima za podršku finansiranju javnog interesa u sportu Kantona Sarajeva ("Službene novine Kantona Sarajevo", broj 9/19).

**Član 5.
(Kriteriji)**

Sufinansiranje troškova treninga radi se na osnovu dolje navedenih kriterija.

| Cijena termina od 90 minuta sa PDV-om (KM) | Broj termina sedmično | Broj termina za 11 mjeseci (48 sedmica) | Cijena za 11 mjeseci sa PDV-om (KM) |
|--|-----------------------|---|-------------------------------------|
| do 70,00 KM | 5 | 240 | do 16.800,00 |

Član 6.

(Prestanak prava na sufinansiranje)

Ukoliko je sportsko udruženje (klub), koji je ostavario pravo na sufinansiranje troškova treninga, u toku budžetske kalendarske godine izgubio status premijerligaša ili napustio premijerligaško takmičenje iz bilo kojeg razloga prestaje da mu važi pravo utvrđeno po osnovu ovoga Pravilnika.

Član 7.

(Stupanje na snagu)

Ovaj pravilnik stupa na snagu osmog dana od dana njegovog objavljivanja u "Službenim novinama Kantona Sarajevo".

Broj 12-12-24210/20
10. jula 2020. godine
Sarajevo

Ministar
Kenan Alikadić, s. r.